

道光乙酉新鐫

攝生堂痘疹

正宗

寶翰樓梓行

敘

湘南陳子洲先生少時

工詩文因不售遂注意

於醫理自素問靈樞以

及張劉朱李四大家而
外舉凡雜錄悉留意必
求得其義蘊而後心故
能應人所求不擇病隨

在可以獲效蓋儒而醫
者也先生冢嗣雅清與
余同受知於文衡諸友
子洎余館令親齋氏家

塾不時往來可稱莫逆
因得挹先生芝眉講求
醫道偶談及痘門余曰
日前檢閱此科君云宜

補者君云宜涼者君云
宜兼用者議諦不一法
果奚泄曰此症原於陽
毒邪由裏出火毒輕者

療以芩連梔蘖之類重
則飛在黃石膏不為功
余曰唯々雖然其必有
傷元氣何曰有病則病

當邪氣去正氣復矣
何傷余曰先輩言世人
染患十有九虛
醫用藥百無一補
豈附術獨

爲痘家所深忌耶曰千
虛易補一熱難除附本
性燥惟痘毒盡沒爲宜
不然適以助虐耳余曰

若是則錢氏處方善矣
往往不獲效者曷故曰
仲陽知痘出自腎邪毒
火大率於涼劑最合人

不善用其法耳豈錢氏
誤人哉余曰然則陳文
中墨用峻補終莫可學
乎曰丁香桂附妄施者

信貽害遇肺寒脾濕偶
爾見功耳之惜用是法
者過執也今觀宋氏麟
祥痘疹正宗本諸費氏

救偏瑣言其法屢驗故
為鋟板傳世余細閱其
書簡而詳明而新體會
薛立齋萬羅田程晨峰

徐東臯諸書而出宋氏
著是書已久今乃得先
生以廣其傳也嘗怪業
醫者偶得奇方祕而藏

之先生之志則公矣
明得書之由不掩人善
而附論以抒所見至節
錄肯堂景岳諸條所以

證其指歸之同而明是
書之洵足奉爲金鑑也
由余觀之醫書也而仁
人之心可見矣